

(վարչական տույժ նշանակելու վերաբերյալ)

«23» հունվարի 2023թ.

ք. Վանաձոր

Հայաստանի Հանրապետության պետական եկամուտների կոմիտեի Արևելյան մաքսատուն-վարչության պետ Գոռ Բակլաչյանս, քննելով քաղաքացի Խաչատուր Վաղինակի Մանուչարյանի (քաղաքացիություն՝ Վրաստան, անձնագիր՝ 17AA90545, ծնված՝ 31/01/1995թ., հասցե՝ GE, BOLNIS, ՀՀ ք. Ստեփանավան, Մատրոսովի 1) կողմից մաքսային կանոնների խախտման վերաբերյալ գործը,

Պ Ա Ր Զ Ե Ց Ի**1. Գործի նկարագրությունը:**

Քաղաքացի Խաչատուր Մանուչարյանի կողմից 27.09.2021թ.-ին. Բագրատաշենի մաքսային կետ-բաժնով թիվ 05100033/270921/0000656243 մաքսային մուտքի օրդերով 180 օր ժամկետով, ժամանակավոր ՀՀ է ներմուծվել «MERCEDES-BENZ-E320» մակիշի WDB2100552A333735 նույնականացման համարով, II339LI պետհամարանիշով, 1997թ. արտադրության տրանսպորտային միջոց, որի ներմուծման ժամկետը երկարաձգվել է մինչև 26.09.2022թ., սակայն մինչ այդ ժամկետի ավարտը վերոնշյալ տրանսպորտային միջոցը չի արտահանվել ՀՀ տարածքից, որի արդյունքում խախտվել է հետադարձ արտահանման պարտավորությունը:

2. Սույն վարչական գործի քննության համար նշանակություն ունեցող փաստեր:

1. 27.09.2021թ.-ին լրացված թիվ 05100033/270921/0000656243 մաքսային մուտքի օրդերի հիման վրա հետագա արտահանման պարտավորությամբ ժամանակավոր ՀՀ տարածք է ներմուծվել «MERCEDES-BENZ-E320» մակիշի WDB2100552A333735

նույնականացման համարով, II339LI պետհամարանիշով, 1997թ. արտադրության տրանսպորտային միջոց:

2. ՀՀ ՊԵԿ Ներքին անվտանգության վարչությունից ստացված սահմանահատման պատմության համաձայն վերը նշված տրանսպորտային միջոցը սահմանված ժամկետում փաստացի չի արտահանվել ՀՀ տարածքից:
3. 27.09.2021թ.-ին լրացված թիվ 05100033/270921/0000656243 մաքսային մուտքի օրդերի հիման վրա հետագա արտահանման պարտավորությամբ ժամանակավոր ՀՀ տարածք ներմուծված «MERCEDES-BENZ-E320» մակիշի WDB2100552A333735 նույնականացման համարով, II339LI պետհամարանիշով, 1997թ. արտադրության տրանսպորտային միջոցի՝ խախտման օրվա դրությամբ «Ներքին սպառման համար բացթողում» մաքսային ընթացակարգով հայտարարագրման դեպքում առաջացող մաքսային վճարները կազմում են՝ միասնական դրույքաչափով վճար՝ 9848177 ՀՀ դրամ, բնապահպանական հարկ՝ 76932 ՀՀ դրամ:
4. 20.12.2022 թվականին կազմվել է մաքսային կանոնների խախտման վերաբերյալ արձանագրություն: Գործի քննություն է նշանակվել 23.01.2023թ. ժամը 12:00-ին, որի վերաբերյալ վերջինս պատշաճ ծանուցվել և ներկայացել է վարչական վարույթի քննարկմանը:
5. Հարցումներ են ուղարկվել ՀՀ ոստիկանության և անձնագրային վիզաների վարչություն, ՀՀ կադաստրի կոմիտե՝ Խաչատուր Մանուչարյանի՝ ՀՀ-ում հաշվառված լինելու վերաբերյալ, ինչպես նաև ՀՀ-ում գրանցված գույքի վերաբերյալ տեղեկատվություն ստանալու նպատակով:

Համաձայն ՀՀ ոստիկանության և անձնագրային վիզաների վարչության կողմից տրամադրված գրության՝ ՀՀ ոստիկանության անձնագրային և վիզաների վարչության բնակչության պետական ռեգիստրի պահուցում Խաչատուր Մանուչարյանի (14AA90545) ծնված՝ 31.05.1995թ., վերաբերյալ տվյալներ չկան:

Համաձայն ՀՀ կադաստրի կոմիտեի կողմից տրամադրված գրության՝ ըստ Կադաստրի կոմիտեի էլեկտրոնային արխիվի տվյալների՝ քաղաքացի Խաչատուր

Մանուչարյանի (անձնագիր՝ 17AA90545, ծնված 31.01.1995 թ.) անվամբ ՀՀ տարածքում անշարժ գույքի նկատմամբ իրավունքի պետական գրանցում կատարված չէ:

3. Պատասխանողի դիրքորոշումը

Խաչատուր Մանուչարյանը 23.01.2023թ. -ին տվել է բացատրություն, հայտնելով, որ 27.09.2021թ.-ին «MERCEDES-BENZ-E320» մակիշի 1997թ.-ի արտադրության տրանսպորտային միջոցով մուտք է գործել ՀՀ, որից հետո 26.09.2022թ. -ին տրանսպորտային միջոցի ՀՀ-ում գտնվելու ժամկետը երկարաձգելուց հետո մեկնել է ՀՀ-ից: Արտերկրից էլ. տարբերակով 15.09.2022թ.-ին դիմել է մաքսային մարմինների տրանսպորտային միջոցի ՀՀ-ում գտնվելու ժամկետի երկարաձգման նպատակով, սակայն 26.09.2022թ.-ին ստացել է մերժում: 06.11.2022թ.-ին ժամանելով ՀՀ հայտնաբերել է, որ մեքենան առևանգված է, սակայն չի դիմել իրավապահ մարմիններին: Մեքենան հայտնաբերել է ք. Ստեփանավանի շրջակայքում՝ դաշտում, ամբողջովին քանդված վիճակում, որի վերաբերյալ կրկին չի դիմել ոստիկանություն: Մեքենայի մնացած մասերը և պետհամարանիշները տեղափոխել է տուն:

4. Սույն գործի փաստական և իրավական հիմնավորումները, վարչական մարմնի եզրահանգումները:

«Եվրասիական տնտեսական միության մաքսային օրենսգրքի մասին» պայմանագրի 264-րդ հոդվածի 1-ին կետի համաձայն օտարերկրյա ֆիզիկական անձանց կողմից՝ Միության անդամ չհանդիսացող պետությունում գրանցված անձնական օգտագործման տրանսպորտային միջոցների ժամանակավոր ներմուծումը Միության մաքսային տարածք թույլատրվում է ոչ ավելի, քան 1 տարի ժամկետով:

Անդամ պետությունների ֆիզիկական անձանց կողմից՝ Միության անդամ չհանդիսացող պետությունում գրանցված անձնական օգտագործման տրանսպորտային միջոցների ժամանակավոր ներմուծումը Միության մաքսային տարածք թույլատրվում է ոչ ավելի, քան 1 տարի ժամկետով:

Նույն հոդվածի 5-րդ մասի 1-ին պարբերության համաձայն՝ ժամանակավոր ներմուծված անձնական օգտագործման տրանսպորտային միջոցները, մինչև այն ժամկետի լրանալը, որի ընթացքում այդ տրանսպորտային միջոցները կարող են ժամանակավոր գտնվել Միության մաքսային տարածքում, Միության մաքսային տարածքից արտահանման, ազատ շրջանառության համար բացթողման կամ սույն հոդվածին համապատասխան այլ նպատակներով ենթակա են մաքսային հայտարարագրման:

«Վարչարարության հիմունքների և վարչական վարույթի մասին» ՀՀ օրենքի 43-րդ հոդվածի 1-ին մասի «ա» կետի համաձայն՝ անձի և վարչական մարմնի փոխհարաբերություններում ապացուցման պարտականությունը կրում է անձը՝ նրա համար բարենպաստ փաստական հանգամանքների առկայության դեպքում:

Իրավահարաբերության պահին գործող ՀՀ մաքսային օրենսգրքի 189-րդ հոդվածի 1-ին մասի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունն, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն:

Նույն հոդվածի 2-րդ մասի համաձայն՝ Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

Իրավահարաբերության պահին գործող ՀՀ մաքսային օրենսգրքի 199-րդ հոդվածի 1-ին մասի համաձայն՝ հետագա արտահանման պարտավորությամբ Հայաստանի Հանրապետություն ներմուծված ապրանքները և տրանսպորտային միջոցները սահմանված ժամկետում չարտահանելը կամ հետագա ներմուծման պարտավորությամբ արտահանված ապրանքները և տրանսպորտային միջոցները սահմանված ժամկետում Հայաստանի Հանրապետություն չներմուծելը՝ առաջացնում է տուգանքի նշանակում՝ խախտման օրվա դրությամբ այդ ապրանքների և տրանսպորտային միջոցների համար «ներմուծում» ազատ

շրջանառության համար» մաքսային ռեժիմով նախատեսված մաքսային վճարների մեծության 50 տոկոսի չափով, բայց ոչ պակաս, քան 50 հազար դրամ:

Վարչական իրավախախտումների վերաբերյալ գործերի վարույթը բացառող հանգամանքները սահմանված են Օրենսգրքի 247-րդ հոդվածով:

Այսպիսով նյութերից պարզվել է, որ Խաչատուր Մանուչարյանի կողմից 24.03.2022թ.-ին ներկայացված թիվ Մ-1133-2022 դիմումի համաձայն տրանսպորտային միջոցի ՀՀ-ում գտնվելու ժամկետը երակարած գվել է մինչև 26.09.2022թ.-ը՝ մինչև 1 տարի ժամկետով:

22.09.2022թ.-ին թիվ Դ/34142-2022 դիմումով Խաչատուր Մանուչարյանը կրկին դիմել է ՀՀ ՊԵԿ իր կողմից ՀՀ ներմուծված տրանսպորտային միջոցի ժամկետի երակարծգման նպատակով, որը մերժվել է ԵԱՏՄ Մաքսային Օրենսգրքի 264-րդ հոդվածի 1-ին կետի հիմքով՝ տրանսպորտային միջոցի ժամկետը՝ 1 տարին, լրանում է 26.09.2022թ.: Վերջինիս առաջարկվել է ԵԱՏՄ մաքսային օրենսգրքի 264-րդ հոդվածի 9-րդ կետի 2-րդ ենթակետի համաձայն՝ տրանսպորտային միջոցը փոխանցել այլ անձի այն Միության մաքսային տարածքից արտահանելու համար կամ ձևակերպել «մաքսային պահեստ» մաքսային ընթացակարգով «ժամանակավոր ներմուծում (թույլտվություն)» մաքսային ընթացակարգի գործողության կասեցման համար կամ սահմանված վերջնաժամկետում իրականացնել արտահանումը կամ հայտարարագրել օրենքով սահմանված այլ մաքսային ընթացակարգով:

Խաչատուր Մանուչարյանը սահմանված ժամկետում չի արտահանել վերոնշյալ տրանսպորտային միջոցը և չի ձևակերպել այլ մաքսային ընթացակարգով: Վերջինս ցուցաբերել է անգործություն, որի արդյունքում խախտվել է հետադարձ արտահանման պարտավորությունը:

Այսպիսով, վարչական մարմինը, քննելով գործում առկա ապացույցները, գտնում է, որ նշված տրանսպորտային միջոցի հետագա արտահանման պարտավորության չկատարման համար Խաչատուր Մանուչարյանի արարքում առկա է իրավահարաբերության պահին գործող ՀՀ մաքսային օրենսգրքի 199-րդ հոդվածով նախատեսված մաքսային կանոնների խախտման հատկանիշներ, ինչը հիմնավորվում է վարչական վարույթի նյութերով:

5. Եզրափակիչ մաս:

Ելնելով վերոգրյալից, ղեկավարվելով իրավահարաբերության պահին գործող ՀՀ մաքսային օրենսգրքի 199-րդ, 206-րդ, 221-րդ հոդվածներով և Վարչական իրավախախտումների վերաբերյալ ՀՀ օրենսգրքի 214-րդ, 234-րդ հոդվածներով՝

Ո Ր Ո Շ Ե Ց Ի

1. Իրավահարաբերության պահին գործող ՀՀ մաքսային օրենսգրքի 199-րդ հոդվածով նախատեսված մաքսային կանոնների խախտում կատարելու համար քաղաքացի Խաչատուր Մանուչարյանին ենթարկել վարչական պատասխանատվության՝ տուգանելով՝ 4962555 ՀՀ դրամի չափով:
2. Որոշման մասին հայտնել Խաչատուր Մանուչարյանին:
3. Պարզաբանել, որ իրավահարաբերության պահին գործող ՀՀ մաքսային օրենսգրքի 221-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից և ՀՀ մաքսային օրենսգրքի 222-րդ հոդվածի 2-րդ մասի համաձայն որոշումը կարող է բողոքարկվել վերադաս մաքսային մարմին (պաշտոնատար անձին) կայացնելուց հետո՝ 10 օրվա ընթացքում կամ ՀՀ վարչական դատարան՝ ՀՀ վարչական դատավարության օրենսգրքով սահմանված կարգով՝ երկամսյա ժամկետում:

Սույն որոշմամբ նշանակված տուգանքի վճարման հաշվեհամարն է. 900005024055 (ՀՀ պետական բյուջե, կենտրոնական գանձապետարան, Արևելյան մաքսատուն-վարչություն, ԿՈՂ 29):

ԱՐԵՎԵԼՅԱՆ ՄԱՔՍԱՏՈՒՆ-

ՎԱՐՉՈՒԹՅԱՆ ՊԵՏ՝



ԳՈՌ ԲԱԿԼԱՉՅԱՆ